

საქართველოს კანონი

“საქართველოს სისხლის სამართლის საპროცესო კოდექსში
ცვლილებების შეტანის შესახებ“

მუხლი 1. „საქართველოს სისხლის სამართლის საპროცესო კოდექსში“
(პარლამენტის უწყებანი, №13-14, 8.04.1998, გვ.31) შეტანილ იქნეს შემდეგი
ცვლილებები:

1. 29-ე მუხლის პირველი ნაწილის „ვ“ ქვეპუნქტი ჩამოყალიბდეს შემდეგი
რედაქციით:

„ვ) თუ საქართველოს პარლამენტმა, საქართველოს საკონსტიტუციო
სასამართლომ, საქართველოს უზენაესი სასამართლოს თავმჯდომარემ თანხმობა
არ მისცა შესაბამისად საქართველოს სახალხო დამცველის, საქართველოს
კონტროლის პალატის თავმჯდომარის, მოსამართლის სისხლის სამართლის
პასუხისგებაში მიცემაზე იმ ვადით, რა ვადაშიც პირს იცავს იმუნიტეტი;“

2. 282-ე მუხლის მე-4 ნაწილი ჩამოყალიბდეს შემდეგი რედაქციით:

„4. საქართველოს სახალხო დამცველის, საქართველოს კონტროლის
პალატის თავმჯდომარის, საქართველოს უზენაესი სასამართლოს წევრის
ბრალდებულის სახით პასუხისგებაში მისაცემად აუცილებელია საქართველოს
პარლამენტის თანხმობა. საქართველოს საკონსტიტუციო სასამართლოს წევრის
ბრალდებულის სახით პასუხისგებაში მისაცემად აუცილებელია საქართველოს
საკონსტიტუციო სასამართლოს პლენუმის თანხმობა. საქართველოს სხვა
საერთო სასამართლოს მოსამართლის ბრალდებულის სახით პასუხისგებაში
მისაცემად აუცილებელია საქართველოს უზენაესი სასამართლოს
თავმჯდომარის თანხმობა.“

მუხლი 2. ეს კანონი ამოქმედდეს გამოქვეყნებისთანავე.

საქართველოს პრეზიდენტი

მიხეილ სააკაშვილი